

կորայ՝ խնդրեաց հրաման ՚ի դատաւորէն նորոգել զհա-
րաւային որմն Ս. Փրկչի վանաց, իսկ դատաւորն յետ
հարցանելոյ զորպէսն յայլաղգեաց Սիոնի. հրաման էտ
նմա, եւ նա նորոգեաց զայն, Լ՝ ԼԿ (1603) : Զկնի երկց
ամաց նորոգեաց նաեւ զորմն Հրեշտակապետի վանաց, և
զքանի մի խուցս :

Այլ մինչդեռ միտքանք Հայոց պարտաւեալ էին յայս-
պիսի իրա, եկն հրաման Արքունուտտ առ դատաւորն Ե-
րուսաղէմի, գրել զվանորայս ազգաց որոց տիրել կամէին
Յոյնք՝ Լ՝ ԼԾ (1606) : Եւ դատաւորն սկիզբն արար գրել
զնոսա որք էին :

ՎԱՆՈՐԱՅԻ ՎՐԱՅ

1°. Խաչավանքն՝ արտաքոյ քաղաքին Երուսողէմի յա-
րեւմուտս ՚ի մէջ ձորոյն :

2°. Ս. Եղիայի վանքն՝ ՚ի վերայ ճանապարհին Բեթ-
ղէհէմի :

3°. Ս. Տիմիթրիայ վանքն՝ ՚ի մէջ քաղաքին Երուսողէմի :

4°. Խնձորի վանքն՝ ՚ի մէջ քաղաքին, որ յառաջագոյն
կոչէր տուն Հաննոնի :

5°. Զուսկուլի վանքն Ս. Նիկողայոսի՝ ՚ի մէջ քաղաքին :

6°. Ս. Յակոբայ վանքն՝ առ դրան տաճարի Ս. Յարութեան
՚ի ներքոյ զանգակատան :

ՎԱՆՈՐԱՅԻ ՍԵՐՎԱՅԻՈՅ

1°. Վանք Ս. Սաբայի, արտաքոյ քաղաքին Երուսողէմի :

2°. Վանք Ս. Բառիլիոսի՝ ՚ի մէջ քաղաքին :

3°. Վանք Ս. Միքայելի՝ ՚ի մէջ քաղաքին :

4°. Վանք Ս. Յովնանու, Ապթուս կոչեցեալ՝ ՚ի մէջ
քաղաքին :

5°. Վանք Ս. Յովնանու՝ Թուտախ կոչեցեալ :

6°. Վանք Ս. Դեորգայ՝ ՚ի ներքին կողմն Լատին վանաց՝
՚ի մէջ քաղաքին :

7°. Քրիստոսի բանուն՝ Հանդէս դրան Սուրբ Յա-
րութեան :